

028

026

032

022

037

017

077

127

PHI PRÆFATIO.

5

congruant: idem etiam de his Prutenicis, & questi sunt multi, in observationibus exercitissimis: & hic ipse annus M. DC. XXV. documento fuit evidentissimo: ut in quo toto, stella MARTIS longe promotior deprehensa est in caelo, quam calculus Prutenicus praedixerat: crevitq; defectus iste mensibus Augusto, Septembri, Octobri, usque ad quatuor, & quamproxime ad quinque graduum magnitudinem. Nam quod Reinholdus, observationibus sufficientibus haudum conscriptis à quoquam, conjecturas ex paucis ductas secutus, censuit, in motibus quidem mediis locum esse lime, at Prosthaphereon tabulas, & retrò & porrò ad omnem mundi durationem utiliter servituras; utraq; in re deceptus esse, hoc quidem in exemplo, deprehenditur. In MARTIS enim motu medio, minimum aliquid mutandum fuit: omnis verò hujus anni defectus, ex Prosthaphereon Prutenicarum vitis fuit ortus.

Huiusmodi igitur aberrationes Prutenicarum, cum inde ex quo ille fuerint editae, viri docti & in siderum observationibus exercitati deprehendissent, quos inter summo suo merito commemorandus est, ut Coryphaeus, Illustrissimus Castorum Princeps GUILIELMUS: coruscus est deniq; TYCHO BRAHEUS, ex Regni Danie nobilitate principu, qui posthabitis ceteris aequalium studiis, Astronomiae restaurationem ingenti animo complexus, hoc unicum opus sibi delegit, in quo etatem suam transigeret, operq; avitas splendidas, quibus erat suffultus, impenderet. Quodq; in praecipua gloriae parte censu, fecit hoc ille animo ab omnibus superstitionibus astrologicis vacuo, inq; unum solum finem totius Philosophiae supremum, in cognitionem & DEI & sui ipsius, erectissimo; quod cum in scriptis & carminibus, quibus delectabatur, tum in quotidianis colloquiis, aequalitate constantissima reddidit contestatissimum: Astrologorum verò vanitatem, inertiam, ignaviam & sordes, plurimum & devidere & detestari est solitus: sic tamen, ut siderum effectus in sublanaribus, partem Philosophiae praestantissimam, nequaquam negaret, gnarus, Effectus illos siderum generales, ab Eventibus ipsis in rebus humanis individuis, accuratissimo iudicio distinguere. Quod cum non caperet vulgus hominum, ad miraculosas predictiones credulum, ad rumores falsos disseminandos promptum, utraq; re vanissimum: nonnunquam virum innocentissimum, inepto ejus fama studio, sermonibus obliquis, & invidia Magnatum objecit.

TYCHO BRAHE Prutenicas emendandas sumit.

Astrologiae contemptor, salvâ physicâ.

Hic igitur est ille primus TABULARUM RUDOLPHINARUM nuncupator, hic mille Fixarum ordinator, solis & lune motuum explorator, planetarum omnium per XXXVII annos, & ex his per XX. posteriores continuos, observator, diligentia, circumspicione, patientia, constantia omnem fidem humanam exasperans.

Rudolphinarum primus author.

Quid verò ille praeter jam dicta, in reliquorum etiam planetarum singularium, motibus praestiterit; id ex Christiani Severini Longimontani Astronomiae Danicae, quam ex meo relato lectorem discere malo. Ille namq; cum TYCHONE vixit per annos decem continuos; Ego vix paucos duorum ultimarum annorum menses. Anno namq; M. DC. mense Februario, primum ad TYCHONEM veni Benaticam, praesente Longimontano, crebris à TYCHONE literis à Styria evocatus, occasione ab editione mei Mysterii Cosmographici suppeditata: pactusq; cum illo, mense Junio reversus sum in Styriam, accersitum familiam & supellestem librariam. Eiusdem anni mense Octobri, cum jam discessisset Longimontanus, TYCHONI me cum familia Praga stiti praesentem, sed inutilem: quippe quartana me in itinere corripuerat, detinuitq; usque ad solstitium anni sequentis: nec ante deseruit, quam Gratum recurrissem, hereditatis causa. Reversus Pragam, mense Septembri, duos non amplius menses TYCHONIS conversatione sui potui, cum mors illam die 24. Novembris proximi stylo novo, raptisset.

Christianus S. Longimontanus, Tycho niâ calculo. Kepleri cum Tychone consuetudo.

Quas igitur partes TABULARUM RUDOLPHINARUM TYCHO perfecit superstes, quae reliquirit adjumenta seu admonitiones, ad perficienda quae restabant: id rectissime Longimontanus fuerit testatus: qui & refert illas correctiones Tycho niâ eloquentes in planetarum omnibus, & tanquam fide dignas, fundamenti loco adhibuit in tabulis suis computandis. Etsi & in Commentariis MARTIS aliqua ego quoq; indicavi, & mea de his extant epistola, Anno M. DC. I. Gratio ad Joh: Antonium Maginum Professore Mattbeos in Gym.

Quae membra Rudolphinarum jam dudum extent.

Ende

Anfang